



Broj: 01-50-1-15-48/17

Sarajevo, 14.6.2017.

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO:		17-07-2017	
Organizaciona jedinica	Klasifikaciona oznaka	Redni broj	Broj priloga

B

## ZAPISNIK

### 48. sjednice Predstavničkog doma Parlamentarne skupštine Bosne i Hercegovine, održane 14.6. i 5.7.2017.

Sjednica je počela u 15,30 sati. Prisustvovalo je 35 poslanika.

Sjednici su prisustvovali članovi Vijeća ministara BiH, predstavnici Međunarodne komisije za nestala lica i Centralne izborne komisije BiH.

Iz međunarodnih organizacija sjednicu su pratili predstavnici OHR-a, EUSR-a i Misije OSCE-a, iz nevladinih organizacija prisustvovali su predstavnik CCI-a i Transparency Internationala u BiH.

\*\*\*\*\*

U navodnim napomenama predsjedavajući je rekao da će poslanicima, u skladu s članom 167. Poslovnika, na početku sjednice, a prije rasprave o dnevnom redu, biti omogućeno postavljanje poslaničkih pitanja u usmenoj formi.

U skladu s članom 168. Poslovnika, najave za postavljanje poslaničkih pitanja u usmenoj formi dostavili su sljedeći poslanici:

- **Mirsad Đonlagić** – ministru civilnih poslova BiH
- **Aleksandra Pandurević** - predsjedavajućem Vijeća ministara BiH
- **Denis Bećirović** - predsjedavajućem Vijeća ministara BiH
- **Maja Gasal-Vražalica** – Vijeću ministara BiH
- **Fehim Škaljić** – ministru pravde BiH
- **Saša Magazinović** - predsjedavajućem Vijeća ministara BiH
- **Hanka Vajzović** – Vijeću ministara BiH
- **Damir Bećirović** – ministru pravde BiH
- **Hazim Rančić** - ministrici odbrane BiH
- **Nermina Kapetanović** – ministru civilnih poslova BiH
- **Senad Šepić** - predsjedavajućem Vijeća ministara BiH
- **Jasmin Emrić** - ministru vanjske trgovine i ekonomskih odnosa BiH
- **Damir Arnaut** - ministrici za ljudska prava i izbjeglice BiH

**Mirsad Đonlagić** - *Pitanje postavljeno ministru civilnih poslova BiH.*

S obzirom na to da ministar nije prisustvovao sjednici, poslanik Mirsad Đonlagić rekao je da će pitanje ponoviti na narednoj sjednici, kada bude omogućeno postavljanje pitanja u usmenoj formi, te je zatražio da se Ministarstvu civilnih poslova BiH uputi urgencija za prisustvo ministra sjednici Doma.

**Aleksandra Pandurević**

*Pitanje postavljeno predsjedavajućem Vijeća ministara BiH:* „Na 38. sjednici Predstavničkog doma, održanoj 30.11.2016., usvojen je sljedeći zaključak: „Zadužuje se Vijeće ministara BiH da u roku od 120 dana u Parlamentarnu skupštinu BiH dostavi Prijedlog zakona o transparentnosti vlasništva i ograničavanju koncentracije vlasništva nad medijima.“ Dokle se stiglo sa izradom ovog zakona i kada ga možemo očekivati u PSBiH?

Također, na 40. sjednici Predstavničkog doma 29.12.2016. usvojen je sljedeći zaključak: „Zadužuje se Vijeće ministara BiH da u roku od 30 dana u Parlamentarnu skupštinu BiH dostavi izmjene i dopune Krivičnog zakona BiH kojima se onemogućava ublažavanje kazne i zamjena kazne zatvora novčanom kaznom za krivična djela iz člana 162b. Krivičnog zakona, kao i za krivično djelo terorizma i druga krivična djela za koja Vijeće ministara BiH procijeni da su posebno društveno opasna ili da vrijeđaju dostojanstvo ličnosti i moral.“ Kada tražene izmjene i dopune Krivičnog zakona možemo očekivati u Parlamentu?“

**Ministar komunikacija i prometa BiH Ismir Jusko** dao je odgovor koji je poslanica **Aleksandra Pandurević** komentirala.

**Denis Bećirović**

*Pitanje postavljeno predsjedavajućem Vijeća ministara BiH :* „Već treći put u nepune tri godine u ovom mandatu postavljam ovo pitanje, a ono se odnosi na činjenicu da nadležni državni organi još uvijek nisu zaključili ugovor sa Islamskom zajednicom kao što su to učinili s Katoličkom crkvom i Srpskom pravoslavnom crkvom. Jasno je da je ovo pozicija pravne nejednakosti i da to nije nimalo dobra poruka. To se nije događalo čak ni u socijalizmu, taj bivši socijalistički sistem nije bio naklonjen nijednom religijskom svjetonazoru ali je u svim svojim ustavima, i saveznim i republičkim, i '46., i '63., i '74. i u dva lex specialis zakona o vjerskim zajednicama iz '53. i '76. uvijek barem stavljao sve vjerske zajednice u jednak pravni položaj. Mi to danas u Bosni i Hercegovini nemamo. Tri godine pitam kako je moguće da smo svjedoci takve situacije i može li se napokon odgovoriti na pitanje – ko to blokira i zašto to blokira, jer to su vrlo osjetljiva pitanja, to ne može biti predmet neke političke trgovine. Zato sam, evo, ponovo postavio pitanje predsjedavajućem Vijeća ministara BiH gospodinu Zvizdiću. Možemo li ovdje u Parlamentu dobiti precizan odgovor – ko to blokira i zašto to blokira, šta eventualno mi možemo učiniti da napokon tu pravnu nejednakost eliminiramo?“<sup>1</sup>

**Ministrica za ljudska prava i izbjeglice BiH Semiha Borovac** dala je odgovor na pitanje, poslanik **Denis Bećirović** komentirao je odgovor.

<sup>1</sup> Izvod iz neaturiziranog transkripta 48. sjednice Predstavničkog doma PSBiH

### **Maja Gasal-Vražalica**

*Pitanje postavljeno Vijeću ministara BiH:* „Zašto Bosna i Hercegovina još uvijek nema državnu strategiju za poljoprivredu?“

**Ministar vanjske trgovine i ekonomskih odnosa BiH Mirko Šarović dao je odgovor. Poslanica Maja Gasal – Vražalica komentirala je odgovor koji je zatražila u pisanoj formi.**

### **Fehim Škaljić**

*Pitanje postavljeno ministru pravde BiH:* „Evropski put BiH je tranzicija BiH iz socijalističkog jednopratijskog društva u demokratiju, podrazumijeva povrat oduzete imovine postupcima nacionalizacije u bivšoj državi. Šta Vijeće ministara BiH u tom smislu planira i kada možemo očekivati prijedlog zakona o restituciji oduzete imovine?“

**Ministar pravde BiH Josip Grubeša dao je odgovor, te rekao da će cjelovit odgovor dostaviti u pisanoj formi. Poslanik Fehim Škaljić komentirao je odgovor.**

Saša Magazinović nije prisustvovao ovom dijelu sjednice.

### **Hanka Vajzović**

*Pitanje postavljeno Vijeću ministara BiH:* „Na osnovu kojih propisa ili propisanih kriterija članovi Predsjedništva BiH, kao i predsjedavajući Vijeća ministara BiH i njegovi zamjenici biraju (određuju) korisnike sredstava tzv. tekućih rezervi, dakle javnog novca kojim ovi najviši zvaničnici u izvršnoj vlasti personalno raspolazu? Drugačije kazano, na osnovu čega se (kojih mjerila i prioriteta) imenovani nosioci izvršne vlasti opredjeljuju kome će (kojim odabranim pojedincima, kolektivima ili institucijama i na kojim nivoima vlasti – državnom ili na svim), za koje potrebe (bolest, studiranje, štampanje knjige, obnova biblioteke, proslave godišnjica, građevinski radovi, vjerske zajednice i objekti itd.), prema kojim prioritetima (ako oni uopće postoje) i koliko (ko i kako to procjenjuje) javnog novca pokloniti / donirati?“

**Predsjedavajući Vijeća ministara BiH Denis Zvizdić dao je odgovor. Poslanica Hanka Vajzović komentirala je odgovor.**

### **Damir Bećirović**

*Pitanje postavljeno Vijeću ministara BiH:* „Dana 4.6.1993. na prilazu Novom Travniku, kod mjesta Nova Bila, napadnut je Tuzlanski konvoj spasa. Tom prilikom ubijeno je sedam vozača a za još četiri osobe se i danas traga. Sam napad na konvoj, maltretiranje učesnika, pljačku kamiona i osobnih vozila, zabilježile su i kamere HRT-a i BBC-a. Međutim, ni 24 godine nakon učinjenog zločina niko nije odgovarao pred pravosudnim institucijama u našoj državi. Molim da mi odgovorite da li je u toku provođenje istražnih radnji po predmetu „Tuzlanski konvoj spasa“?“

**Ministar pravde BiH Josip Grubeša dao je odgovor, te rekao da će cjelovit odgovor dostaviti u pisanoj formi kada nadležne institucije dostave odgovor. Poslanik Damir Bećirović saglasio se s tim.**

### **Hazim Rančić**

Pitanje postavljeno ministrici odbrane BiH: „Moje pitanje upućeno ministrici odbrane gospođi Pendeš koja ne vidim da je tu, bila je na početku, odnosno ove prethodne prve sjednice, ali tu je zamjenik, pa, evo, ako i on bude voljan ili ako bude znao, ja ću biti zadovoljan i takvim odgovorom. Dakle, šta je Ministarstvo odbrane BiH uradilo na utvrđivanju eventualne odgovornosti u vezi s napadom na vojno lice vatrenim oružjem od strane četiri nepoznata lica prilikom pljačke samoposluge „Amko komerc“ koja se desila na Bistriku na prijavnici u neposrednoj blizini Ministarstva odbrane?“<sup>2</sup>

**Zamjenik ministrice odbrane BiH Boris Jerinić dao je odgovor. Poslanik Hazim Rančić komentirao je odgovor, koji je zatražio u pisanoj formi.**

### **Nermina Kapetanović**

Pitanje postavljeno ministru civilnih poslova BiH: „Šta poduzima, odnosno šta je do sada poduzelo Ministarstvo civilnih poslova BiH, odnosno Sektor za zdravstvo tog ministarstva na ukazivanju štetnosti konzumiranja nargile, posebno kod mladih ljudi u razvojnem dobu jer može dovesti do ovisnosti, ako se uzima intenzivno i kontinuirano? Posebno, što dodatno zabrinjava jeste da u Bosni i Hercegovini ne postoje zakonski propisi kojima bi se odredila dob onih koji kupuju nargilu, ali i deklaracija kojom bi se utvrdio njen sadržaj.“

**Ministar civilnih poslova BiH Adil Osmanović nije prisustvovao sjednici, pa je poslanica Nermina Kapetanović zatražila odgovor u pisanoj formi.**

### **Senad Šepić**

Pitanje postavljeno predsjedavajućem Vijeća ministara BiH: „Kada će konačno biti realizirana ranija inicijativa o prekategORIZACIJI i otvaranju graničnog prijelaza Tržačka Raštela, u međuvremenu prijelaz za promet ljudi i robe, te zašto do sada nije otvoren granični prijelaz Zagrad u Velikoj Kladuši, barem za privremenu, dnevno ograničenu upotrebu?“

**Ministar sigurnosti BiH Dragan Mektić dao je odgovor. Poslanik Senad Šepić komentirao je odgovor.**

### **Jasmin Emrić**

Pitanje postavljeno ministru vanjske trgovine i ekonomskih odnosa BiH: „Koliko je sastanaka održala Zajednička komisija, u skladu s članom 5. Sporazuma, te da li je na sastancima Zajedničke komisije razmatran postupak izrade strateške studije za Nacionalni program provođenja Strategije zbrinjavanja radioaktivnog otpada, iskorištenih izvora i istrošenog nuklearnog goriva koji vodi Državni zavod za radiološku i nuklearnu sigurnost Republike Hrvatske radi izgradnje odlagališta i skladišta radioaktivnog i nuklearnog otpada na lokaciji Trgovska gora, mikrolokacija Čerkezovac u općini Dvor, Republika Hrvatska?“

**Ministar vanske trgovine i ekonomskih odnosa BiH Mirko Šarović dao je odgovor. Poslanik Jasmin Emrić komentirao je odgovor.**

### **Damir Arnaut**

Pitanje postavljeno ministrici za ljudska prava i izbjeglice BiH: „Načelnik Općine Novi Grad Sarajevo u više navrata je iznio tvrdnje i konstatacije o tome ko može ili ne može biti

<sup>2</sup> Izvod iz neautoriziranog transkripta 48. sjednice Predstavničkog doma PSBiH



Bošnjak navodeći čak i pseudonaučne tvrdnje da je on sam vršio istraživanje o etničkom porijeklu, a što podsjeća na neka mračna i davna vremena. Pitanje glasi – Kakav je stav Ministarstva o ovom govoru mržnje?“<sup>3</sup>

**Ministrica za ljudska prava i izbjeglice BiH Semiha Borovac dala je usmeni odgovor. Poslanik Damir Arnaut komentirao je odgovor.**

\*\*\*\*\*

U vezi sa izmjenama i dopunama dnevnog reda sjednice, predsjedavajući Šefik Džaferović napomenuo je sljedeće:

Na zahtjev Zajedničke komisije za odbranu i sigurnost BiH, s dnevnog reda skinute su:

**Tačka 12.** Program razvoja sistema zaštite i spašavanja na nivou institucija i organa Bosne i Hercegovine, materijal Ministarstva sigurnosti BiH, broj: 01-04-1049/17, od 29.5.2017. i

**Tačka 15.** Razmatranje poslaničke inicijative Denisa Bećirovića, podnesene 10.5.2017., koja glasi: „Zadužuje se Vijeće ministara BiH da, najkasnije u roku od šest mjeseci od dana usvajanja ove inicijative u Predstavničkom domu Parlamentarne skupštine BiH, sačini i u parlamentarnu proceduru dostavi Strategiju nacionalne sigurnosti Bosne i Hercegovine“, broj: 01-50-1-1206/17.

U dnevni red dodate su:

**Tačka 10.** Izvještaj o radu Privremene zajedničke komisije oba doma Parlamentarne skupštine BiH za pripremu i upućivanje u parlamentarnu proceduru Prijedloga zakona o parlamentarnom nadzoru, broj: 01,02-50-14-1131-5/17, od 31.5.2017.,

**Tačka 13.** Izvještaj o utvrđivanju prijedloga kandidata za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda, materijal Privremene zajedničke komisije oba doma Parlamentarne skupštine BiH za provođenje procedure za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda, broj: 01,02-50-14-388-4,3a/17, od 9.6.2017. i

**Tačka 18.** Prijedlog zaključka o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje člana Ureda za razmatranje žalbi, broj: 01,02-50-14-1450/17, od 9.6.2017.;

**Izmijenjena je tačka 4., koja sada glasi:** Prijedlog zakona o dopuni Izbornog zakona Bosne i Hercegovine, predlagач: poslanik Denis Bećirović, zakon broj: 01-02-1-1074/17, od 21.4.2017., s **Mišljenjem Ustavnopravne komisije.**

U raspravi o dnevnom redu učestvovali su: Maja Gasal – Vražalica, Sadik Ahmetović, Momčilo Novaković, Hanka Vajzović, Salko Sokolović, Denis Bećirović, Damir Arnaut i Mirsad Mešić.

<sup>3</sup> Izvod iz neatoriziranog transkripta 48. sjednice Predstavničkog doma PSBiH

**Maja Gasal – Vražalica i Denis Bećirović** predložili su da se dnevni red dopuni tačkom koja glasi: Informacija o zaštiti imovine vlasnika stare devizne štednje položene u slovenskim i srbijanskim bankama, a u skladu s presudom Evropskog suda u Strazburu u predmetu Ališić i drugi.

**Momčilo Novaković** zatražio je da se s dnevnog reda današnje sjednice skine tačka 21. koja glasi: Davanje saglasnosti za ratifikaciju Sporazuma o statusu i funkcioniranju Međunarodne komisije za nestala lica, materijal broj: 01,02-05-2-1055/17, od 20.4.2017.

**Hanka Vajzović** predložila je da se dnevni red dopuni Inicijativom čiji je ona predlagač, a u vezi je sa izgradnjom Pelješkog mosta i izgradnjom mosta na Savi kod Svilaja, a koju je poslanica uputila Vijeću ministara BiH.

**Sadik Ahmetović i Salko Sokolović** zatražili su da se u dnevni red uvrsti i tačka koja se tiče problema novog Kluba Nezavisni blok, a u vezi s dodjelom prostorija i finansiranja Kluba, odnosno tačka pod nazivom: Informacija Kolegija Sekretarijata Parlamentarne skupštine BiH o realizaciji zaključka Zajedničke komisije za administrativne poslove.

Dom se prvo izjašnjavao o prijedlogu Maje Gasal – Vražalice i Denisa Bećirovića. S 22 glasa „za“ (iz Federacije BiH 16, iz Republike Srpske šest), tri glasa „protiv“ i sedam „suzdržan“, ovaj prijedlog je **usvojen**, te je Informacija o zaštiti imovine vlasnika stare devizne štednje položene u slovenskim i srbijanskim bankama, a u skladu s presudom Evropskog suda u Strazburu u predmetu Ališić i drugi“, uvrštena u dnevni red 48. sjednice.

O prijedlogu Momčila Novakovića nije se glasalo, jer je u pitanju obavezna tačka dnevnog reda.

Predsjedavajući je rekao da će inicijativa poslanice Hanke Vajzović biti uvrštena u dnevni red naredne sjednice Doma.

S 23 glasa „za“ (iz Federacije BiH 17, iz Republike Srpske šest), bez glasova „protiv“ i devet glasova „suzdržan“, Dom je **usvojio** prijedlog Salka Sokolovića, te je dnevni red dopunjen i tačkom koja glasi: Informacija Kolegija Sekretarijata Parlamentarne skupštine BiH o realizaciji zaključka Zajedničke komisije za administrativne poslove.

Predsjedavajući je konstatirao da 48. sjednica Predstavničkog doma ima sljedeći

## **DNEVNI RED**

1. Usvajanje Zapisnika 46. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, predlagač: poslanik Damir Arnaut, zakon broj: 01-02-1-687/17, od 10.3.2017. (drugo čitanje);

4. Prijedlog zakona o dopuni Izbornog zakona Bosne i Hercegovine, predlagač: poslanik Denis Bećirović, zakon broj: 01-02-1-1074/17, od 21.4.2017., s Mišljenjem Ustavnopravne komisije;
5. Prijedlog zakona o parlamentarnom nadzoru, predlagač: Privremena zajednička komisija oba doma Parlamentarne skupštine BiH za pripremu i upućivanje u parlamentarnu proceduru Prijedloga zakona o parlamentarnom nadzoru, broj: 01,02-02-1-1348/17, od 26.5.2017. (prvo čitanje);
6. Godišnji konsolidirani izvještaj interne revizije za 2016., podnosilac: Ministarstvo finansija i trezora BiH, broj: 01,02-16-1-1110/17, od 26.4.2017.;
7. Konsolidirani izvještaj o sistemu finansijskog upravljanja i kontrole za 2016., podnosilac: Ministarstvo finansija i trezora BiH, broj: 01,02-16-1-1110-2/17, od 26.4.2017.;
8. Izvještaj o provođenju zakona iz nadležnosti Centralne izborne komisije BiH u 2016., podnosilac: Centralna izborna komisija BiH, broj: 01,02-50-19-1215/17, od 12.5.2017.;
9. Izvještaj o zaštiti ličnih podataka u Bosni i Hercegovini za 2016., podnosilac: Agencija za zaštitu ličnih podataka u BiH, broj: 01,02-04-1227/17, od 12.5.2017.;
10. Izvještaj o radu Privremene zajedničke komisije oba doma Parlamentarne skupštine BiH za pripremu i upućivanje u parlamentarnu proceduru Prijedloga zakona o parlamentarnom nadzoru, broj: 01,02-50-14-1131-5/17, od 31.5.2017.;
11. Izvještaj Zajedničke komisije oba doma za postizanje identičnog teksta Izmjena i dopuna Jedinstvenih pravila za izradu pravnih propisa u institucijama Bosne i Hercegovine;
12. Izvještaj Zajedničke komisije oba doma za usaglašavanje prijedloga za imenovanje jednog člana Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica BiH ili drugi sud u skladu sa zakonom BiH;
13. Izvještaj o utvrđivanju prijedloga kandidata za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda, materijal Privremene zajedničke komisije oba doma Parlamentarne skupštine BiH za provođenje procedure za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda, broj: 01,02-50-14-388-4,3a/17, od 9.6.2017.;
14. Izmjena i dopuna Godišnjeg plana obuke i vježbi pripadnika i jedinica Oružanih snaga Bosne i Hercegovine u inozemstvu za 2017. godinu, materijal Ministarstva odbrane BiH, broj: 03/1-03-1362/17, od 29.5.2016.;
15. Informacija o zaštiti imovine vlasnika stare devizne štednje položene u slovenskim i srbijanskim bankama, a sve u skladu s presudom Evropskog suda u Strasbourgu u predmetu 60642/08 Ališić i drugi, predlagači tačke: poslanici Maja Gasal- Vražalica i Denis Bećirović, materijal broj: 01-50-1-1497/17 od 14.6.2017.;
16. Informacija Kolegija Sekretarijata u vezi s realizacijom zaključka Zajedničke komisije za administrativne poslove PSBiH, predlagač tačke: poslanik Salko Sokolović;
17. Razmatranje poslaničke inicijative Denisa Bećirovića, podnesene 20.4.2017., koja glasi: „Zadužuje se Vijeće ministara BiH da, najkasnije u roku od šest mjeseci od dana usvajanja ove inicijative u Predstavničkom domu Parlamentarne skupštine BiH, sačini i u

parlamentarnu proceduru dostavi Zakon o kinematografiji Bosne i Hercegovine“, broj: 01-50-1-1054/17;

18. Razmatranje poslaničke inicijative Mladena Bosića, podnesene 22.5.2017., koja glasi: “Zadužuje se Regulatorna agencija za komunikacije da Predstavničkom domu Parlamentarne skupštine BiH dostavi informaciju o rezultatima usklađivanja cijena usluga mobilne telefonije u BiH s cijenama u regionu i Evropi, u skladu sa zaključcima usvojenim na 23. sjednici Doma, održanoj 12.1.2016.“, broj: 01-50-1-1290/17;
19. Prijedlog zaključka o formiranju Istražne komisije Predstavničkog doma Parlamentarne skupštine Bosne i Hercegovine za utvrđivanje utroška sredstava Izvozno-kreditne agencije Bosne i Hercegovine i sredstava prikupljenih i namijenjenih gradnji puteva, predlažać: Kolegij Predstavničkog doma, broj: 01-50-1-1399/17 od 2.6.2017.;
20. Prijedlog zaključka o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje člana Ureda za razmatranje žalbi, broj: 01,02-50-14-1450/17 od 9.6.2017.;
21. Izvještaj komisije Kolegija o nastojanju za postizanje saglasnosti o davanju saglasnosti za ratifikaciju Memoranduma o razumijevanju o obrazovnoj i naučnoj saradnji između Vijeća ministara Bosne i Hercegovine i Vlade Kraljevine Saudijske Arabije (materijal broj: 01,02-05-2-831/17, od 27.3.2017.);
22. Izvještaj komisije Kolegija o nastojanju za postizanje saglasnosti o davanju saglasnosti za ratifikaciju Protokola o saradnji u oblasti obrazovanja između Vijeća ministara Bosne i Hercegovine i Vlade Republike Turske (materijal broj: 01,02-05-2-999/17, od 12.4.2017.);
23. Davanje saglasnosti za ratifikaciju Sporazuma o statusu i funkcioniranju Međunarodne komisije za nestale osobe, materijal broj: 01,02-05-2-1055/17, od 20.4.2017.;
24. Davanje saglasnosti za ratifikaciju Sporazuma o saradnji između Vijeća ministara Bosne i Hercegovine i Vlade Crne Gore u procesu pristupanja Evropskoj uniji, materijal broj: 01,02-05-2-1353/17, od 26.5.2017.;
25. Davanje saglasnosti za ratifikaciju Ugovora o finansiranju (Bolnice u RS-u – B) između Bosne i Hercegovine i Republike Srpske i Evropske investicione banke, materijal broj: 01,02-05-2-1363/17, od 29.5.2017.;
26. Razmatranje materijala sa oznakom „povjerljivo“, akt broj: P-POV-07-03-10-9-30/17, od 23.5.2017.

\* \* \* \* \*

#### **Ad.1. Usvajanje Zapisnika 46. sjednice Predstavničkog doma Parlamentarne skupštine BiH**

Nakon uvodnih napomena, predsjedavajući je otvorio raspravu. Nije bilo prijavljenih.

Zapisnik 46. sjednice usvojen je s 28 glasova „za“ (iz Federacije BiH 23, iz Republike Srpske pet), bez glasova „protiv“ i osam glasova „suzdržan“.



## Ad.2. Komentari na dobivene odgovore na poslanička pitanja

Predsjedavajući je podsjetio da su, u skladu s članom 170. Poslovnika, do ove sjednice Doma pitanja u pisanoj formi postavili poslanici:

- **Maja Gasal-Vražalica** – postavila pitanje ministrici odbrane BiH
- **Mirsad Donlagić** – postavio pitanje Ministarstvu sigurnosti BiH
- **Hanka Vajzović** – uputila inicijativu Vijeću ministara BiH

Sadržaj postavljenih pitanja i inicijativa je sljedeći:

### **Maja Gasal-Vražalica**

#### Pitanja postavljena ministrici odbrane BiH

#### I.

*Pitanja u vezi sa Sporazumom o vojno-finansijskoj saradnji između Vijeća ministara BiH i Vlade Republike Turske:*

1. Zbog čega nisu potpisani sporazumi za 2010., 2011., 2012. i 2016. godinu?
2. U kojoj fazi je provođenje sporazuma za 2013., 2014. i 2015. godinu?
3. Kolika su preostala sredstva za sporazume i protokole koji su potpisani za period 1998. – 2008.?
4. Do kada se moraju utrošiti sredstva za svaki navedeni sporazum?

#### II.

*Pitanje u vezi s naplaćenim dugom od Ruske Federacije 125 mil. dolara (koji je podijeljen između entiteta, gdje je državi pripalo 10 % od ukupne sume, što je oko 20 mil. KM, pri čemu je 8 mil. već planirano da se utroši na izgradnju graničnog prijelaza Bratunac), predviđeno kroz implementaciju četiri višegodišnja projekta za MO i OSBiH:*

1. „U šta će biti potrošeno preostalih 12 mil. KM, budući da to ne vidimo kroz budžet 2017.?”

#### III.

*Pitanja u vezi sa Sporazumom potpisanim između Ministarstva odbrane BiH i BH Direkcijom civilne avijacije BHDCA (dežurstvo 24/7 za misiju Službe za traženje i spašavanje – STS). Prema Sporazumu, BHDCA je bila dužna svake godine MOBiH refundirati za 37,500 litara goriva, potrošenih za obuku posada helikoptera za misiju STS, adekvatan iznos novca (zavisno od cijene na tržištu za svaku godinu):*

1. Da li je ikada BHDCA izvršio uplatu MOBiH, dakle govorimo o iznosu od gotovo 800.000 KM za koje je MOBiH u ovih 10 godina oštećeno, ako se ima u vidu činjenica da je vrijednost jednog litra goriva od 2007. godine do danas varirala od 1,5 KM do 3,5 KM?
2. Ako je pak izvršena refundacija, da li je MOBiH taj novac utrošilo u zrakoplovstvo?“

#### IV.

*Pitanja u vezi sa specifikacijom koju je 30.6.2016. Zajednički štab OSBiH dostavio MOBiH za nabavku helikoptera u skladu s odobrenim projektom, a koja je tek u oktobru 2016. pronađena u Sektoru za nabavku i logistiku Ministarstva odbrane BiH:*

1. „Šta je razlog za ovaj izgubljeni period?“
2. Šta je Ministarstvo odbrane BiH preduzelo na daljnjem provođenju ovog projekta od njegovog predlaganja 2015. godine znajući koliko je loše stanje u ovom segmentu OSBiH, a koliko nam je ono potrebno u sklopu brze reakcije na različite prirodne nepogode koje nam se u zadnje vrijeme dešavaju u državi?“

#### **Mirsad Donlagić**

Pitanje postavljeno ministru sigurnosti BiH:

„Nedavno su vlasti Velike Britanije izdale upozorenje turistima da ne putuju u BiH zbog terorističke prijetnje. Nisam primijetio nikakve ozbiljnije reakcije na osnovu tog upozorenja vlasti Velike Britanije. Da li je utemeljeno i na čemu se zasniva upozorenje? Ako pak nije, šta može biti razlog za tako alarmantno upozorenje i kako u tom smislu ocjenjujete sigurnosnu situaciju u BiH?“

#### **Hanka Vajzović**

Inicijativa upućena Vijeću ministara BiH:

„Zadužuje se Vijeće ministara BiH da pripremi i najkasnije do naredne sjednice Predstavničkog doma PSBiH (zakazane za 5. 7. 2017.) svim poslanicima dostavi cjelovit i detaljan izvještaj:

1. o aktivnostima vezanim za izgradnju Pelješkog mosta i
2. o dešavanjima u vezi sa izgradnjom mosta na Savi kod Svilaja.“

U skladu s članom 170. Poslovnika, na ovoj sjednici Doma inicijative i pitanja Vijeću ministara BiH uputio je poslanik Senad Šepić, a Saša Magazinović uputio je pitanje guverneru Centralne banke BiH.

Sadržaj inicijativa i pitanja je sljedeći:

#### **Senad Šepić**

Inicijative upućene Vijeću ministara BiH

##### I.

„Predlažem da Vijeće ministara BiH izradi prijedlog odluke za osnivanje diplomatske akademije BiH i dostavi ga Parlamentarnoj skupštini BiH na znanje.“

##### II.

„Molim da dostavite informaciju o aktuelnim kreditnim sredstvima koja su u procesu pregovaranja a koji vode institucije BiH.“

Pitanja upućena Vijeću ministara BiH:

1. „Molim da mi dostavite informaciju o tome koliko je odluka nadležna Komisija za granice donijela i učinila operativnim u periodu 2012.-2016., tj. koliko je odluka o otvaranju za upotrebu graničnih prijelaza doneseno i molim za popis svih tih graničnih prijelaza.“
1. „Šta Vijeće ministara BiH konkretno radi u pravcu odgovora na primjedbe iz posljednjeg Izvještaja Evropskog parlamenta za BiH?“
1. „Molim da mi dostavite informaciju o primjeni Uputstva o maksimalnoj težini školske torbe za djecu u osnovnim školama u BiH.“

### **Saša Magazinović**

#### Pitanje upućeno guverneru Centralne banke BiH:

1. „Molim da mi za svakog člana Upravnog vijeća Centralne banke BiH navedete njegova primanja na ime članstva u Upravnom vijeću u 2016. godini, kao i iznos svih dodatnih naknada koje su primili.“

Predsjedavajući je rekao da su do današnje sjednice dostavljeni sljedeći odgovori na poslanička pitanja:

- Na pitanje poslanika **Saše Magazinovića**, postavljeno u usmenoj formi na 45. sjednici, Vijeće ministara BiH prosljedilo odgovor Ministarstva odbrane BiH, na pitanje postavljeno u pisanoj formi na 44. sjednici, odgovor dostavila Uprava za indirektno oporezivanje BiH i na pitanje postavljeno u pisanoj formi na 45. sjednici, odgovor dostavilo Ministarstvo vanjskih poslova BiH,
- Na pitanje poslanice **Maje Gasal – Vražalice**, postavljeno u usmenoj formi na 45. sjednici, Vijeće ministara BiH prosljedilo odgovor Ministarstva civilnih poslova BiH,
- Na pitanja poslanika **Denisa Bećirovića**, postavljena u pisanoj formi na 43. sjednici, odgovore dostavilo Vijeće ministara BiH,
- Na pitanje poslanika **Šemsudina Mehmedovića**, postavljeno u usmenoj formi na 45. sjednici, Vijeće ministara BiH prosljedilo odgovor Ministarstva odbrane BiH,
- Na pitanje poslanika **Zaima Backovića**, postavljeno u usmenoj formi na 45. sjednici, Vijeće ministara BiH prosljedilo odgovor Uprave za indirektno oporezivanje BiH, te Ministarstvo komunikacija i prometa BiH dostavilo Informaciju u vezi sa istim pitanjem,
- Na pitanje poslanika **Mirsada Mešića**, postavljeno u usmenoj formi na 45. sjednici, Vijeće ministara BiH prosljedilo odgovor Ministarstva za ljudska prava i izbjeglice BiH,
- Na pitanje poslanika **Hazima Rančića**, postavljeno u usmenoj formi na 45. sjednici, odgovor dostavilo Ministarstvo finansija i trezora BiH,
- Na pitanje poslanika **Damira Arnauta**, postavljeno u pisanoj formi na 40. sjednici, Vijeće ministara BiH prosljedilo odgovor Ministarstva za ljudska prava i izbjeglice

BiH, te na pitanje postavljeno u pisanoj formi na 46. sjednici, odgovor dostavilo Ministarstvo za ljudska prava i izbjeglice BiH,

- Na pitanja poslanice **Mensure Beganović**, postavljena u pisanoj formi na 46. sjednici, odgovor dostavilo Ministarstvo vanjskih poslova BiH,
- Na pitanje poslanika **Lazara Prodanovića**, postavljeno u usmenoj formi na 45. sjednici, Vijeće ministara BiH prosljedilo odgovor Ministarstva sigurnosti BiH.

Dostavljene odgovore komentirali su poslanici:

**Hazim Rančić** izrazio je nezadovoljstvo odgovorom od Ministarstva finansija i trezora BiH na pitanje u vezi sa uzimanjem kredita od Svjetske banke.

**Maja Gasal-Vražalica** komentirala je odgovor Ministarstva za civilne poslove BiH u vezi sa sredstvima za nabavku GPS narukvica za djecu s autizmom.

**Zaim Backović** nezadovoljan je odgovorom Ministarstva komunikacija i prometa BiH u vezi s do sada sakupljenim sredstvima od postojećih akciza na gorivo, putarina....

**Damir Arnaut** izrazio je nezadovoljstvo odgovorom Ministarstva za ljudska prava i izbjeglice BiH na pitanje o stavu Ministarstva u vezi s tvrdnjama i konstatacijama načelnika Općine Novi Grad Sarajevo u emisiji Centralni dnevnik na „Face TV“ od 5.5.2017. te najavio postavljanje dopunskog pitanja. Također, istakao je da još uvijek nije dobio odgovore od Ministarstva vanjskih poslova BiH i Ministarstva komunikacija i prometa BiH.

**Hanka Vajzović** istakla je da još nije dobila odgovor od Ministarstva komunikacija i prometa BiH na pitanje koje se odnosi se na Program sigurnosti civilnog zrakoplovstva Bosne i Hercegovine.

**Nikola Lovrinović** rekao je da još uvijek nije dobio odgovor od Ministarstva za ljudska prava i izbjeglice BiH na pitanje o stambenom problemu porodice Filipović iz Sarajeva.

**Ad.3. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, predlažać: poslanik Damir Arnaut, zakon broj: 01-02-1-687/17, od 10.3.2017. (drugo čitanje)**

Predsjedavajući Šefik Džaferović dao je uvodne napomene i otvorio raspravu. Diskutirao je Damir Arnaut.

„Za“ Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini glasala su 23 poslanika (iz Federacije BiH 21, iz Republike Srpske dva), tri su bila „protiv“, pet „suzdržanih“. Predsjedavajući je konstatirao da **nema potrebne entitetske većine** i da će Kolegij Doma kao komisija obaviti naknadno usaglašavanje o Prijedlogu zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini.



**Ad.4. Prijedlog zakona o dopuni Izbornog zakona Bosne i Hercegovine, predlađač: poslanik Denis Bećirović, zakon broj: 01-02-1-1074/17, od 21.4.2017., s Mišljenjem Ustavnopravne komisije**

Predsjedavajući je dao uvodne napomene i otvorio raspravu. U raspravi su učestvovali: Denis Bećirović, Borjana Krišto, Hazim Rančić, Zaim Backović, Damir Arnaut, Aleksandra Pandurević, Nikola Lovrinović, Jasmin Emrić, Momčilo Novaković i Mladen Bosić.

Dom, s 15 glasova „za“ (iz Federacije BiH tri, iz Republike Srpske 12), 22 glasa „protiv“ i bez glasova „suzdržan“, **nije prihvatio** negativno Mišljenje Ustavnopravne komisije o Prijedlogu zakona o dopuni Izbornog zakona Bosne i Hercegovine, te je Komisija zadužena da u skladu s članom 113. stav (3) Poslovnika izradi novo mišljenje.

**Ad.5. Prijedlog zakona o parlamentarnom nadzoru, predlađač: Privremena zajednička komisija oba doma Parlamentarne skupštine BiH za pripremu i upućivanje u parlamentarnu proceduru Prijedloga zakona o parlamentarnom nadzoru, broj: 01,02-02-1-1348/17, od 26.5.2017. (prvo čitanje)**

Predsjedavajući Šefik Džaferović dao je uvodne napomene i otvorio raspravu. U raspravi su učestvovali Borislav Bojić i Damir Arnaut.

Dom je, s 28 glasova „za“ (iz Federacije BiH 21, iz Republike Srpske sedam), bez glasova „protiv“ i tri glasa „suzdržan“, **usvojio** u prvom čitanju Prijedlog zakona o parlamentarnom nadzoru.

**Ad.6. Godišnji konsolidirani izvještaj interne revizije za 2016., podnosilac: Ministarstvo finansija i trezora BiH, broj: 01,02-16-1-1110/17, od 26.4.2017.**

Predsjedavajući je dao uvodne napomene i otvorio raspravu. Nije bilo prijavljenih

S 25 glasova „za“ (iz Federacije BiH 18, iz Republike Srpske sedam), dva glasa „protiv“ i šest „suzdržanih“, Dom **je usvojio** Godišnji konsolidirani izvještaj interne revizije za 2016.

**Ad.7. Konsolidirani izvještaj o sistemu finansijskog upravljanja i kontrole za 2016., podnosilac: Ministarstvo finansija i trezora BiH, broj: 01,02-16-1-1110-2/17, od 26.4.2017.**

Predsjedavajući je dao uvodne napomene i otvorio raspravu. Nije bilo prijavljenih.

S 25 glasova „za“ (iz Federacije BiH 18, iz Republike Srpske sedam), dva „protiv“ i šest glasova „suzdržan“, Dom **je usvojio** Konsolidirani izvještaj o sistemu finansijskog upravljanja i kontrole za 2016.

**Ad.8. Izvještaj o provođenju zakona iz nadležnosti Centralne izborne komisije BiH u 2016., podnosilac: Centralna izborna komisija BiH, broj: 01,02-50-19-1215/17, od 12.5.2017.**

Predsjedavajući je dao uvodne napomene i otvorio raspravu. Nije bilo prijavljenih.

Domu se obratila predsjednica Centralne izborne komisije BiH Irena Hadžiabdić.

S 24 glasa „za“ (iz Federacije BiH 17, iz Republike Srpske sedam), jednim „protiv“ i osam glasova „suzdržan“, Dom **je usvojio** Izvještaj o provođenju zakona iz nadležnosti Centralne izborne komisije BiH u 2016.

**Ad.9. Izvještaj o zaštiti ličnih podataka u Bosni i Hercegovini za 2016., podnosilac Agencija za zaštitu ličnih podataka u BiH, broj: 01,02-04-1227/17, od 12.5.2017.**

Predsjedavajući je dao uvodne napomene i otvorio raspravu. Diskutirao je Damir Arnaut.

Dom je, s 22 glasa „za“ (iz Federacije BiH 15, iz Republike Srpske sedam), jednim glasom „protiv“ i 10 glasova „suzdržan“, **usvojio** Izvještaj o zaštiti ličnih podataka u Bosni i Hercegovini za 2016.

**Ad.10. Izvještaj o radu Privremene zajedničke komisije oba doma Parlamentarne skupštine BiH za pripremu i upućivanje u parlamentarnu proceduru Prijedloga zakona o parlamentarnom nadzoru, broj: 01,02-50-14-1131-5/17, od 31.5.2017.**

Predsjedavajući je dao uvodne napomene i otvorio raspravu. Nije bilo prijavljenih.

Dom je, s 25 glasova „za“ (iz Federacije BiH 18, iz Republike Srpske sedam), bez glasova „protiv“ i osam glasova „suzdržan“, **usvojio** Izvještaj o radu Privremene zajedničke komisije oba doma Parlamentarne skupštine BiH za pripremu i upućivanje u parlamentarnu proceduru Prijedloga zakona o parlamentarnom nadzoru.

**Ad.11. Izvještaj Zajedničke komisije oba doma za postizanje identičnog teksta Izmjena i dopuna Jedinostvenih pravila za izradu pravnih propisa u institucijama Bosne i Hercegovine**

Predsjedavajući je dao uvodne napomene. Nije bilo prijavljenih.

Dom je, s 27 glasova „za“ (iz Federacije BiH 20, iz Republike Srpske sedam), bez glasova „protiv“ i šest glasova „suzdržan“, **usvojio** Izvještaj Zajedničke komisije oba doma za postizanje identičnog teksta Izmjena i dopuna Jedinostvenih pravila za izradu pravnih propisa u institucijama Bosne i Hercegovine, čime su usvojene Izmjene i dopune Jedinostvenih pravila za izradu pravnih propisa u institucijama Bosne i Hercegovine, s amandmanima usvojenim u Predstavničkom domu i amandmanom Zajedničke komisije.

**Ad.12. Izvještaj Zajedničke komisije oba doma za usaglašavanje prijedloga za imenovanje jednog člana Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica BiH ili drugi sud u skladu sa zakonom BiH**

Predsjedavajući je dao uvodne napomene. U raspravi su učestvovali Mirsad Đonlagić i Monika Tomić.

Predstavnički dom je, s 23 glasa „za“ (iz Federacije BiH 16, iz Republike Srpske sedam), devet glasova „protiv“ i jednim glasom „suzdržan“, **usvojio** Izvještaj Zajedničke komisije oba doma za usaglašavanje prijedloga za imenovanje jednog člana Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica BiH ili drugi sud u skladu sa zakonom BiH, čime je za člana Nezavisne komisije imenovan Vedad Gurda.

**Ad.13. Izvještaj o utvrđivanju prijedloga kandidata za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda, materijal Privremene zajedničke komisije oba doma Parlamentarne skupštine BiH za provođenje procedure za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda, broj: 01,02-50-14-388-4,3a/17, od 9.6.2017.**

Predsjedavajući je dao uvodne napomene i otvorio raspravu. Nije bilo prijavljenih.

Dom je, s 20 glasova „za“ (iz Federacije BiH 15, iz Republike Srpske pet), osam glasova „protiv“ i pet glasova „suzdržan“, **imenovao** Tatjanu Klječanin – Martić za članicu i predsjednicu Nezavisnog odbora.

**Ad.14. Izmjena i dopuna Godišnjeg plana obuke i vježbi pripadnika i jedinica Oružanih snaga Bosne i Hercegovine u inozemstvu za 2017. godinu, materijal Ministarstva odbrane BiH, broj: 03/1-03-1362/17, od 29.5.2016.**

Predsjedavajući je dao uvodne napomene i otvorio raspravu. Nije bilo prijavljenih.

Dom je, s 27 glasova „za“ (iz Federacije BiH 20, iz Republike Srpske sedam), bez glasova „protiv“ i šest glasova „suzdržan“, **usvojio** Izmjenu i dopunu Godišnjeg plana obuke i vježbi pripadnika i jedinica Oružanih snaga Bosne i Hercegovine u inozemstvu za 2017. godinu.

**Ad.15. Informacija o zaštiti imovine vlasnika stare devizne štednje položene u slovenskim i srbijanskim bankama, a sve u skladu s presudom Evropskog suda u Strasbourgu u predmetu 60642/08 Ališić i drugi, predlagači tačke: poslanici Maja Gasal- Vražalica i Denis Bećirović, materijal broj: 01-50-1-1497/17, od 14.6.2017.**

Predsjedavajući je dao uvodne napomene i otvorio raspravu. U raspravi su učestvovali: Denis Bećirović, Zaim Backović i Momčilo Novaković.

Prije nastavka 48. sjednice, Kolegij Predstavničkog doma u proširenom sastavu je na 52. sjednici razmatrao zaključke sadržane u Informaciji, te odlučio pozvati predlagače tačke dnevnog reda da na 49. sjednici predlože konkretne, modificirane prijedloge zaključaka.

**Ad.16. Informacija Kolegija Sekretarijata u vezi s realizacijom zaključka Zajedničke komisije za administrativne poslove PSBiH, predlagač tačke: poslanik Salko Sokolović**

Predsjedavajući je dao uvodne napomene i otvorio raspravu. U raspravi su učestvovali: Sadik Ahmetović, Jasmin Emrić, Mirsad Đonlagić, Salko Sokolović, Nikola Lovrinović, Borjana Krišto i Fehim Škaljić.

Domu se obratio i sekretar Predstavničkog doma Marin Vukoja.

U okviru ove tačke Salko Sokolović predložio je zaključak koji glasi: „Predstavnički dom PSBiH zadužuje Kolegij Sekretarijata PSBiH da odmah, a najkasnije za sedam dana pripremi Prijedlog za dodjelu prostorija i osigura sredstva za rad Klubu poslanika Nezavisni blok.“

Predsjedavajući je rekao da je prvi dio prijedloga zaključka **realiziran**, a da drugi dio (osiguravanje sredstava za rad) **nije** u skladu sa Zakonom o finansiranju političkih stranaka, ni Poslovníkom Doma. Također, Zajednička komisija za administrativne poslove već se očitovala o ovom pitanju, te se o njemu Dom nije izjašnjavao.

**Ad.17. Razmatranje poslaničke inicijative Denisa Bećirovića, podnesene 20.4.2017., koja glasi: „Zadužuje se Vijeće ministara BiH da, najkasnije u roku od šest mjeseci od dana usvajanja ove inicijative u Predstavničkom domu Parlamentarne skupštine BiH, sačini i u parlamentarnu proceduru dostavi Zakon o kinematografiji Bosne i Hercegovine“, broj: 01-50-1-1054/17**

Predsjedavajući je dao uvodne napomene i otvorio raspravu. Diskutirao je Denis Bećirović.

„Za“ Inicijativu glasalo je 25 poslanika (iz Federacije BiH 21, iz Republike Srpske četiri), 13 „protiv“, jedan „suzdržan“. Predsjedavajući je konstatirao da nema potrebne entitetske većine. Kolegij kao komisija odmah je obavio usaglašavanje. Nije bilo saglasnosti. U drugom krugu glasanja, s 23 glasa „za“, 16 „protiv“ (iz Federacije BiH četiri,



iz Republike Srpske 12) i bez glasova „suzdržan“, Dom **nije usvojio** inicijativu poslanika Denisa Bećirovića.

**Ad.18. Razmatranje poslaničke inicijative Mladena Bosića, podnesene 22.5.2017., koja glasi: “Zadužuje se Regulatorna agencija za komunikacije da Predstavničkom domu Parlamentarne skupštine BiH dostavi informaciju o rezultatima usklađivanja cijena usluga mobilne telefonije u BiH s cijenama u regionu i Evropi, u skladu sa zaključcima usvojenim na 23. sjednici Doma, održanoj 12.1.2016.“, broj: 01-50-1-1290/17**

Predsjedavajući je dao uvodne napomene i otvorio raspravu. Diskutirao je Mladen Bosić.

S 32 glasa „za“ (iz Federacije BiH 25, iz Republike Srpske sedam), bez glasova „protiv“ i jednim glasom „suzdržan“, Predstavnički dom **usvojio je** Inicijativu poslanika Mladena Bosića.

**Ad.19. Prijedlog zaključka o formiranju Istražne komisije Predstavničkog doma Parlamentarne skupštine Bosne i Hercegovine za utvrđivanje utroška sredstava Izvozno-kreditne agencije Bosne i Hercegovine i sredstava prikupljenih i namijenjenih gradnji puteva, predlaže: Kolegij Predstavničkog doma, broj: 01-50-1-1399/17, od 2.6.2017.**

Predsjedavajući je dao uvodne napomene i otvorio raspravu. U raspravi su učestvovali: Šemsudin Mehmedović, Zaim Backović, Jasmin Emrić, Maja Gasal – Vražalica, Sadik Ahmetović i Amir Fazlić.

Jasmin Emrić je za člana Istražne komisije predložio Zaima Backovića, Maja Gasal – Vražalica je, u ime poslanika iz Kluba DF-a, predložila Damira Bećirovića, Sadik Ahmetović je, u ime poslanika iz Kluba Nezavisni blok, predložio Salka Sokolovića i Amir Fazlić je, u ime poslanika iz Kluba SDA, predložio Šemsudina Mehmedovića.

Dom je, s 22 glasa „za“ (iz Federacije BiH 16, iz Republike Srpske šest), osam „protiv“ i tri glasa „suzdržan“, **usvojio** Zaključak o formiranju Istražne komisije Predstavničkog doma Parlamentarne skupštine Bosne i Hercegovine za utvrđivanje utroška sredstava Izvozno-kreditne agencije Bosne i Hercegovine i sredstava prikupljenih i namijenjenih gradnji puteva, te u Istražnu komisiju **imenovao** poslanike: Šemsudina Mehmedovića, Predraga Kožula, Nenada Lalića, Zaima Backovića, Damira Bećirovića i Salka Sokolovića.

**Ad.20. Prijedlog zaključka o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje člana Ureda za razmatranje žalbi, broj: 01,02-50-14-1450/17, od 9.6.2017.**

Predsjedavajući je dao uvodne napomene i otvorio raspravu. Nije bilo prijavljenih.

Dom je, s 18 glasova „za“ (iz Federacije BiH 12, iz Republike Srpske šest), osam glasova „protiv“ i sedam „suzdržan“, **usvojio** Zaključak o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje člana Ureda za razmatranje žalbi, te u Privremenu zajedničku komisiju oba doma **imenovao** poslanike: Safera Demirovića, Dianu Zeleniku i Borislava Bojića.

**Ad.21. Izvještaj komisije Kolegija o nastojanju za postizanje saglasnosti o davanju saglasnosti za ratifikaciju Memoranduma o razumijevanju o obrazovnoj i naučnoj saradnji između Vijeća ministara Bosne i Hercegovine i Vlade Kraljevine Saudijske Arabije (materijal broj: 01,02-05-2-831/17, od 27.3.2017.)**

Predsjedavajući je dao uvodne napomene. O ovoj tački nije bilo rasprave.

Dom, u drugom krugu glasanja, s 21 glasom „za“, 16 glasova „protiv“ (iz Federacije BiH četiri, iz Republike Srpske 12) i dva „suzdržana“, **nije dao saglasnost** za ratifikaciju Memoranduma o razumijevanju o obrazovnoj i naučnoj saradnji između Vijeća ministara Bosne i Hercegovine i Vlade Kraljevine Saudijske Arabije.

**Ad.22. Izvještaj komisije Kolegija o nastojanju za postizanje saglasnosti o davanju saglasnosti za ratifikaciju Protokola o saradnji u oblasti obrazovanja između Vijeća ministara Bosne i Hercegovine i Vlade Republike Turske (materijal broj: 01,02-05-2-999/17, od 12.4.2017.)**

Predsjedavajući je dao uvodne napomene. O ovoj tački nije bilo rasprave.

Dom, u drugom krugu glasanja, s 22 glasa „za“, 16 glasova „protiv“ (iz Federacije BiH četiri, iz Republike Srpske 12) i jednim „suzdržan“, **nije dao saglasnost** za ratifikaciju Protokola o saradnji u oblasti obrazovanja između Vijeća ministara Bosne i Hercegovine i Vlade Republike Turske.

**Ad.23. Davanje saglasnosti za ratifikaciju Sporazuma o statusu i funkcioniranju Međunarodne komisije za nestala lica, materijal broj: 01,02-05-2-1055/17, od 20.4.2017.**

Predsjedavajući je dao uvodne napomene i otvorio raspravu. U raspravi su učestvovali Momčilo Novaković i Damir Arnaut.

Domu se obratila ministrica za ljudska prava i izbjeglice BiH Semiha Borovac.

Momčilo Novaković predložio je zaključke koje je Dom **usvojio** s 31 glasom „za“ (iz Federacije BiH 19, iz Republike Srpske 12), bez glasova „protiv“ i osam glasova „suzdržan“. Zaključci glase:

- 1. Obavezuje se Ministarstvo za ljudska prava i izbjeglice BiH da intenzivira aktivnosti na izmjenama i dopunama Sporazuma u preuzimanju uloge suosnivača između Instituta za nestala lica BiH i Međunarodne komisije za nestala lica.**
- 2. Zadužuje se Zajednička komisija za ljudska prava PSBiH da prati realizaciju stava 1. ovog zaključka.**

Zatim je Dom, s 33 glasa „za“ (iz Federacije BiH 26, iz Republike Srpske sedam), šest glasova „protiv“ i bez glasova „suzdržan“, **dao saglasnost** za ratifikaciju Sporazuma o statusu i funkcioniranju Međunarodne komisije za nestala lica.

**Ad.24. Davanje saglasnosti za ratifikaciju Sporazuma o saradnji između Vijeća ministara Bosne i Hercegovine i Vlade Crne Gore u procesu pristupanja Evropskoj uniji, materijal broj: 01,02-05-2-1353/17, od 26.5.2017.**

Predsjedavajući je dao uvodne napomene i otvorio raspravu. Nije bilo prijavljenih.

Dom je, s 38 glasova „za“ (iz Federacije BiH 25, iz Republike Srpske 13), bez glasova „protiv“ i jednim „suzdržan“, **dao saglasnost** za ratifikaciju Sporazuma o saradnji između Vijeća ministara Bosne i Hercegovine i Vlade Crne Gore u procesu pristupanja Evropskoj uniji.

**Ad.25. Davanje saglasnosti za ratifikaciju Ugovora o finansiranju (Bolnice u RS-u – B) između Bosne i Hercegovine i Republike Srpske i Evropske investicione banke, materijal broj: 01,02-05-2-1363/17, od 29.5.2017.**

Predsjedavajući je dao uvodne napomene i otvorio raspravu. Diskutirao je Zaim Backović.

Dom je, s 34 glasa „za“ (iz Federacije BiH 21, iz Republike Srpske 13), jednim glasom „protiv“ i četiri „suzdržan“, **dao saglasnost** za ratifikaciju Ugovora o finansiranju (Bolnice u RS-u – B) između Bosne i Hercegovine i Republike Srpske i Evropske investicione banke.

**Ad.26. Razmatranje materijala sa oznakom „povjerljivo“, akt broj: P-POV-07-03-10-9-30/17, od 23.5.2017.**

Predsjedavajući je dao uvodne napomene i otvorio raspravu. Nije bilo prijavljenih.

Zatim je Dom, s 27 glasova „za“ (iz Federacije BiH 20, iz Republike Srpske sedam), bez glasova „protiv“ i sedam „suzdržan“, **usvojio** materijal sa oznakom „povjerljivo“.

**Napomena:** Prvi dio 48. sjednice, održan 14.6.2017., završen je u 19,00 sati. Na nastavku 48. sjednice, održanom 5.7.2017., razmatrana je tačka 26. dnevnog reda i obavljeno glasanje o svim tačkama. Nastavak sjednice završen je u 11,05 sati.

Sastavni dio Zapisnika je transkript 48. i nastavka 48. sjednice Predstavničkog doma.

SEKRETAR  
PREDSTAVNIČKOG DOMA  
**Marin Vukoja**

PREDSJEDAVAJUĆI  
PREDSTAVNIČKOG DOMA  
**Šefik Džaferović**